

男子雙名記
歷代諱名考
周秦名字解故附錄

婦女雙名記
左傳人名辨異



婦女雙名記

李肇亨纂

中華書局

婦女雙名記

明 嘉興李肇亨會嘉纂

婦女雙名者。王弇州卮言。張睿父琅琊代醉編。吾郡陳無功柝醒漫錄中皆有所載。而彼此未備。予暇日偶有所睹。卽隨手錄出。又兼錄三書。考其出處。附載於此。

鶯鶯

崔微小字鶯鶯。又李鶯鶯與張浩然私。又范十郎女亦曰鶯鶯。

燕燕

燕燕。東坡戲張子野詩。公子歸時燕燕忙。

盼盼

唐尚書張建封愛妓關盼盼。有燕子樓詩。

端端

唐妓李端端。

羅羅

隋煬帝宮婢。

瓊瓊

麗情集。唐開元宮妓薛瓊瓊。善箏第一手。又南宋妓馬瓊瓊。與朱端朝密。有西閣寄梅記。

小小

錢唐蘇小小。又齊公妓名小小。出天中記。

真真

麗情集。柳將軍家妓沈真真。又元名妓趙真真。又神畫美人名真真。吞五色線灰酒而活。

惜惜

宋高郵妓女毛惜惜。罵叛賊榮安死節。又小說羅仁卿女惜惜。與張忠甫子幼謙同學。私合於東齋石榴花下。後爲夫婦。

憐憐

妓女丁憐憐。見嬌紅傳。又汪憐憐。見青樓集。

愛愛

宋錢塘娼家女。蘇子美有愛愛集。

福福

賈雲華小婢。名福福。

心心

青樓集有于心心。又李心心。

盈盈

唐達奚盈盈。又吳女盈盈。

娉娉

賈雲華名娉娉。有還魂記。又黃州妓馬娉娉。東坡遣乞參寥詩。卽禪心已作沾泥絮之句。

師師

宋妓李師師。爲徽宗所幸。

翹翹

唐文宗宮妓沈翹翹。善舞河滿子。自言吳元濟女。沒入宮。又劉諷遇仙鬼翹翹。謂薛昭曰。妾有寶府離車之笙。吹之令人反聽。出道籥。

蘇蘇

唐妓王蘇蘇。

舉舉

唐妓鄭舉舉。

婦女雙名記

蓮蓮

唐妓王蓮蓮。

住住

唐妓張住住。

好好

杜牧之侍妓張好好。又元徽之妓謝好好。

道道

青樓集妓魏道道。

懿懿

宋徐君猷家姬。東坡有木蘭花詞贈之。

灼灼

灼灼當筵舞柘枝。相君上客河東秀。見秦淮海集調笑令。

英英

柳耆卿樂章集有贈妓英英柳腰輕一詞。又唐楊虞卿有過小妓英英墓詩。白樂天劉夢得皆和之。蒙古唐詩話。

蟲蟲

柳耆卿樂章集有贈妓蟲娘玉樓春詞。又征部樂一闕。有但願吾蟲蟲心下。把人看待長似初相識之句。

春春

小說。抱劍營妓湯養師妹名春春。

蘭蘭

熒紅傳。侍女名蘭蘭。

匾匾

青樓集。名妓小玉梅女名匾匾。又一女名寶寶。

紅紅

唐韋青歌姬張紅紅。入宮後號記曲娘子。

翠翠

元金定妻劉翠翠。遭亂相失。有翠翠集。

柔柔

宋德壽宮生辰記。有小劉婉容。進自製十色菊。千秋菊曲破。內人瓊瓊。柔柔對舞。又元歐陽夢桂。宋亡後。作詩意望翠華內歸。爲元所殺。妾陸柔柔。不肯再嫁。自經死。嘉興海鹽人也。見鄭所南心史。

當當

輟耕錄載教坊名妓李當當。姿藝超絕。忽翻然有省。脫籍著道士服。段吉甫天祐贈以詩。

亭亭

廬江王瓊寵妾。

賽賽

徐禎卿異林載鮑賽賽。辰州人。十五歲隨父耕畬。遇虎攫父。賽與虎相持良久。遂斃於虎。又錢唐名妓武賽賽。

秀秀

元青樓集名妓孫秀秀。

七七

李汧公妾名七七。善琴與箏。見因話錄。

山山

元青樓集顧山山。行第四。人以顧四姐呼之。

田田錢錢

宋辛稼軒二妾名。稼軒詞中有臨江仙一調。題云。侍者阿錢將行。賦錢字以贈之。

寵寵

清異錄載朱起所遇伯氏虞部女妓寵寵。氤氲大使以坤靈扇贈之。方得諧好。

豔豔

宋任才仲妾。善寫山水。見甯記。

卿卿

唐營妓。見才情集。

簡簡楚楚

二名出譚言白樂天詩。蘇家小女名簡簡。

青青

會稽翟素婢。名青青。遭賊欲犯素。臨以白刃。青青乞代死。不從。賊竝殺之。見後列女傳。

瑟瑟

遼天祚元妃也。善文墨。有詠史詩。以諷契丹。後被誅死。

醅醅

榴花女也。

紫紫

古淫婦名老狐所化。

施施

館陶公主名施施。宣宗長女。降於定國子永。見本傳。

妹妹

李翱文有高妹妹。七歲死節。太常諡之曰愍。

轉轉

鎮州王鎔書記韓定辭所愛妓。以贈劉仁恭。所使幕客馬賤。賤作轉轉賦。其文甚美。見北夢瑣言。

皎皎

貞元末妓阿輓生女。求小名於白樂天。樂天曰。此兒甚白皙。可名皎皎。有文士過之。爲釋其義。始悟樂天之戲。蓋謂種姓不明。取古詩皎皎河漢女也。河漢寓意何漢耳。出善譚錄。

東東

抒情集寶鞏有弔妓東東詩曰。芳菲美豔不禁風。未到春殘已墜紅。惟有側輪車上鐸耳。邊常似叫東東。

滔滔

宋宣仁太后。小名滔滔。

堅堅

元名妓荆堅堅

六六

元名妓馮六六

香香

秦州妓女香香

美美

長葛尉劉立妻楊氏。生小女美美而死。托生趙長官家爲女。年十六七。於莊上看花。遇立赴縣尹之招。見之。惘然暴卒。及甦。乃言前生是劉立妻楊氏。有女名美美。有僕名秋筍。今雖隔世。而情愛未斷。適窺見劉。不覺悶絕。趙甚異。遂白於客。衆共贊成再娶。於是美美大於母三歲矣。見會昌解頤錄。

珍珍

宋晏幾道小山詞中有云。晚見珍珍。疑是朝雲。來作高唐夢裏人。蓋亦妓名也。

輕輕

宋向子諲酒邊詞。有錢卿席上贈侍人輕輕。滯人嬌一闌。

安安

南宋妓唐安安。理宗癸丑元夕呼入禁中。歌色絕倫。上愛幸之。又元余忠宣公女名安安。同母蔣氏死節。

素素

近有名妓薛素素善畫蘭竹。

翩翩

南院名妓徐翩翩汪司馬伯玉同遊焦山謂之慧月天人品。

稱稱

宋梅聖俞集有小女稱稱墓碑記銘。

星星

唐開元進士崔曙以試明堂火珠詩知名。警句云。夜來雙月合。曙後一星孤。明年卒。惟一女名星星。始悟其爲識也。見唐詩紀事。